



## Republika e Kosovës

Republika Kosovo  
Republic of Kosovo



## Kuvendi i Komunës Istog

Skupština Opštine Istok  
Municipal Assembly Istog

Komitetit për Politikë dhe Financa/ Komitet za Politiku i Financije/ Policy and Finance Committee

|                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |                                                                                                                                                                                                       |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------|
| 13                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     | <b>P r o c e s v e r b a l</b>                                                                                                                                                                        |
| Tipi i mbledhjes:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      | Mbledhje e rregullt e KPF-së                                                                                                                                                                          |
| Data e mbajtjes:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       | 22.03.2019, në ora 10:00                                                                                                                                                                              |
| Mbledhjen e kryesoi:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   | Qaush Balaj, Kryesues i Kuvendit                                                                                                                                                                      |
| Procesmbajtës:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         | Arlinda Kurtaj, Udhëheqëse e Sektorit për punë administrative të KK-së, punë të përbashkëta dhe çështje teknike                                                                                       |
| Pjesëmarrës anëtarët e KPF-së                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          | Zenel Shatri, Haki Podrimaj, Ardita Idrizaj, Eliot Kukiqi, Ajshe Metaj dhe Besa Ferati                                                                                                                |
| Mungojnë:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |                                                                                                                                                                                                       |
| Pjesëmarrës të tjerë:                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  | Nënkryetari Agim Ademaj, Edona Bujupi-Loxha, Enver Rugova, Sanije Mavraj, Drin Sadikaj, Hysni Maxharraj, Lulzim Blakaj, Besart Dreshaj, Sami Metaj, Hysen Pelaj OSBE, Jashar Blakaj dhe Hazbi Bajraj. |
| <b>Rendi i ditës:</b> <ol style="list-style-type: none"><li>1. Miratimi i procesverbalit nga mbledhja e kaluar;</li><li>2. Shqyrtimi dhe miratimi i Raportit financiar për vitin 2018;</li><li>3. Shqyrtimi dhe miratimi i Draft-Planit Zhvillimor Komunal;</li><li>4. Shqyrtimi dhe miratimi i Propozim -Vendimit të Kryetarit të Komunës për dhënie në shfrytëzim afat shkurtër të pronës komunale më ankand publik për njësitë kadastrale;<ol style="list-style-type: none"><li>a) Njësia kadastrale Nr.00586-0;</li><li>b) Njësia kadastrale Nr.00587-0;</li><li>c) Njësia kadastrale Nr.00393-0;</li><li>d) Njësia kadastrale Nr.00400-0 dhe</li><li>e) Njësia kadastrale Nr.00982-0;</li></ol></li><li>5. Shqyrtimi i Raportit të Punës së Ndërmarrjes së Stacionit të Autobusëve;</li><li>6. Shqyrtimi dhe miratimi i plotësim-ndryshim të rregullores për ndarjen e bursave;</li><li>7. Shqyrtimi dhe miratimi i projekt-rregullores për realizimin e të drejtave të fëmijëve përmes sistemit qeverisës komunal miqësor për fëmijët;</li></ol> |                                                                                                                                                                                                       |



8. Shqyrtimi dhe miratimi i Propozim -Vendimit të kryetarit të komunës për nismën e bashkëpunimit ndërkomunal në fushën e realizimit të projekteve dhe
9. Shqyrtimi dhe miratimi i Propozim -Vendimit për të shpallur zonë të interesit publik pjesën e njësishë kadastrale me Nr.01791-1 dhe njësia kadastrale Nr.01792-0.

#### Diskutimet:

**Kryesuesi** z. Qaush Balaj, përshëndeti të pranishmit, kushtet janë plotësuar për mbajtjen e kësaj mbledhje. Fjalën ja kaloi Nënkryetarit Agim Ademaj.

**Agim Ademaj**, përshëndeti të pranishmit dhe propozoi që pikë e rendit të ditës të jetë edhe Shqyrtimi dhe miratimi i Propozim -Vendimit për të shpallur zonë të interesit publik pjesën e njësishë kadastrale me Nr.01791-1 dhe njësia kadastrale Nr.01792-0. Propozim-Vendimi do të përgatit për mbledhjen e kuvendit dhe për më gjerësisht fjalën ja kaloi drejtorit Besart Dreshaj.

**Besart Dreshaj**, çështja është së toka është e komunës ndërsa objektet janë në menaxhim të AKP-së, ne kemi pasur takim së bashku me drejtorin Demë Çetën. AKP-ja thotë se aty janë të privatizuara vetëm dy banesa dhe të tjera nuk janë të privatizuara, ne duhet t'i marrim sa më shpejt këta hapa.

**Kryesuesi**, fjalën ja kaloi Eljot Kukiqit.

**Eljot Kukiqi**, pyeti se çka është e paraparë në atë pjesë?

**Besart Dreshaj**, ajo pjesë është e paraparë gjelbërim. Me Planin Zhvillimor dhe me Planin Urbanistik është zonë gjelbërimi.

#### Vendimet:

Miratohet njëzëri rendi i ditës më propozimin për pikë shtesë të rendit të ditës: Shqyrtimi dhe miratimi i Propozim -Vendimit për të shpallur zonë të interesit publik pjesën e njësishë kadastrale me Nr.01791-1 dhe njësia kadastrale Nr.01792-0 dhe i njëjti i kalohet KK-së për shqyrtim dhe miratim

**Personat përgjegjës për zbatim:** Shërbimi për punë të kuvendit

**Afati për zbatim:** Deri në mbledhjen e kuvendit

#### Shqyrtimi i pikës 1.

#### Diskutimet:

**Kryesuesi**, vazhdojmë më pikën e parë të rendit të ditës, Miratimi i procesverbalit nga mbledhja e kaluar, materialin e keni pasur dhe keni mundur ta analizoni. Pyet nëse dikush ka ndonjë pyetje apo diskutim rreth procesverbalit? Nuk ka kërkuar fjalën askush.

#### Vendimet:

Miratohet njëzëri procesverbali nga mbledhja e kaluar, pa vërejtje.

**Personat përgjegjës për zbatim:**

**Afati për zbatim:**

#### Shqyrtimi i pikës 2.



**Diskutimet:**

**Kryesuesi**, vazhdojmë më pikën e dytë të rendit të ditës: Shqyrtimi dhe miratimi i Raportit financiar për vitin fiskal 2018, fjalën ja kaloi Agim Ademaj.

**Nënkryetari**, fjalën ja kaloi Osman Sadikaj, Zyrtarit Kryesor Financiar që të bëjë prezantimin e këtij raporti.

**Osman Sadikaj**, bëri prezantimin e Raportit financiar për vitin fiskal 2018.

**Kryesuesi**, pyet nëse dikush e dëshiron fjalën për këtë raport dhe fjalën ja kaloi Eliot Kukiqi?

**Eliot Kukiqi**, pyet sa para kanë shkuar në suficit të shpenzimet kapitale?

**Osman Sadikaj**, në suficit kanë shkuar 288 mijë euro.

**Vendimet:**

Pasi që nuk pati vërejte dhe diskutime të tjera, KPF njëzëri rekomandon: Raporti financiar për vitin fiskal 2018 t' i kalohet KK-së për shqyrtim dhe miratim.

Në procedurën e votimit nuk mori pjesë Ajshe Metaj.

**Personat përgjegjës për zbatim:** Shërbimi për punë të kuvendit

**Afati për zbatim:** Deri në mbledhjen e kuvendit

**Shqyrtimi i pikës 3.****Diskutimet:**

**Kryesuesi** - Po vazhdojmë më pikën e tretë të rendit të ditës: Shqyrtimi dhe miratimi i Draft-Planit Zhvillimor Komunal. Fjalën ja kaloi Besart Dreshajt.

**Besart Dreshaj**, ky plan i ka kaluar procedurat e nevojshme. Fillimisht ka qenë në KPF, pastaj ka kaluar në KK dhe në dëgjime me qytetarët. Propozimet që kanë dalë nga dëgjimet mbi 90% kanë qenë jashtë këtij plani.

**Kryesuesi**, fjalën ja kaloi Sanie Mavrajt.

**Sanie Mavraj**, unë insistoje me grupin e grave së bashku si dhe llojin e këtij takimi me grupin e grave deputete, që prioritet të kenë gratë në fuqizimin dhe mbrojtjen e tyre shëndetësore dhe në fuqizimin ekonomik të tyre në përmjet bizneseve agro prodhuese dhe bizneseve të vogla. Unë insistoje në emër të këtyre grave dhe të grupit të grave që të fundit në prioritetet që janë të cekura konkretisht nuk gjendet vendi te prioritetet kapital njerëzor dhe prioriteti i zhvillimit të qëndrueshëm bazuar në komunitet.

**Besart Dreshaj**, unë besojë nënkryetar që me përpilu kështu, vëmendje e veçantë duhet t'i kushtohet përfshirja e grave dhe të rinjve me prioritetet jo shumicë në komunën e Istogut.

**Sanije Mavraj**, unë e kam shënuar kështu, përparësi gratë në periudhën e papunësisë dhe mbrojtja e shëndetit të tyre, sa për sqarim kryetarja e grupit të grave thjesht ajo e ka pas vullnetin dhe i ka



përfaqësuar gratë. Kjo shkresë e USAID-it që po insiston me na ndihmu dhe po thotë që ky paragraf të ngrit. Dhe unë mendoj kështu ka konetacaion pozitiv në politikat globale të mbrojtjes së grave dhe grupeve të marginalizime të komuniteteve.

**Agim Ademaj**, këta e kemi të qartë, pyesni komitetin a janë për këtë variant që është propozuar që të shkojë në asamble si propozim i komitetit?

**Besart Dreshaj**, dallon Planit Zhvillimor Ekonomik i Istogut dhe Planit Zhvillimor Komunal. Këto kërkesa që ju i keni bërë për avancimin e të rinjve në biznese të vogla të mesme të grave ajo hynë në kategorinë e Planit zhvillimor ekonomik, që nxjerrët prej departamentit apo Drejtorisë së Zhvillimit Ekonomik, që është Strategjia Zhvillimore Ekonomike e Istogut. E aty mundemi me i ndërlidh, tash shpejt edhe Drejtoria e Zhvillimit Ekonomik e nxjerr strategjinë për tetë vitet e ardhshme. Të jemi të qartë Planit Zhvillimor Komunal orientohet në ndërtim.

**Saniye Mavraj**, unë po e lexoj të prioritet diçka, zhvillimi i zbatimeve të planeve lokale të veprimit për ta përkrahur zhvillimin e qëndrueshëm të grupacioneve të identifikuara, përkrahja e komuniteteve lokale që adresohen në nevoja urgjente për të siguruar cilësinë jetës, shëndetit sigurinë e popullatës përfshirë integrimin dhe ri-integrimin e grupeve minoritare në dobi të gjithë qytetarëve, këtu mund ta shtojmë edhe përparësitë.

**Kryesuesi** - Nëse nuk keni diçka, kush është që Planit Zhvillimor së bashku me rekomandimet të kalojë në Kuvend?

**Vendimet:**

Pasi që nuk pati vërejte dhe diskutime tjera, KPF njëzëri rekomandon: **Draft-Planit Zhvillimor Komunal më propozimin e grupit të grave t'i kalohet KK-së për shqyrtim dhe miratim.**  
Në procedurën e votimit nuk mori pjesë Ajshe Metaj.

**Personat përgjegjës për zbatim:** Shërbimi për punë të kuvendit

**Afati për zbatim:** Deri në mbledhjen e kuvendit

#### Shqyrtimi i pikës 4.

**Diskutimet:**

**Kryesuesi** - Po vazhdojmë më pikën e katërt e rendit të ditës: Shqyrtimi dhe miratimi i Propozim - Vendimit të Kryetarit të Komunës për dhënie në shfrytëzim afat shkurtër të pronës komunale më ankand publik për njësitë kadastrale;

- f) Njësia kadastrale Nr.00586-0;
- g) Njësia kadastrale Nr.00587-0;
- h) Njësia kadastrale Nr.00393-0;
- i) Njësia kadastrale Nr.00400-0 dhe
- j) Njësia kadastrale Nr.00982-0.

**Haki Podrimaj**, kërkoi sqarim nga drejtori për këtë pikë.

**Jashar Blakaj**, kjo pikë ka ardhur për shkak se në një projekt , me marrëveshje bashkëpunimi që kemi me USAID-in është një projekt që e implementojnë në komuna të ndryshme si monitorues për



zhvillimin e procedurave. Ne jemi në këtë program dhe e kemi shfrytëzuar këtë është fundi i këtij muaji që ata duhet të vazhdojnë me procedura të tjera. Informacion tjetër për anëtarët e komitetit, të gjitha parcelat tokat bujqësore parashihen të shpallen në ankand, toka bujqësore që janë në pronësi të komunës dhe futën në shfrytëzim afatshkurtër 15 vjeçar. Ne i kemi zgjedh këto parcela dhe të fillohet procedura dhe ka fundi i qershorit të njëjtën temë do të kemi edhe mbi 400 parcela.

**Kryesuesi** - Pasi nuk dëshiron dikush tjetër të marr fjalën, vazhdojmë?

**Vendimet:**

Pasi që nuk pati vërejte dhe diskutime tjera, KPF njëzëri rekomandon: **Propozim -Vendimi i kryetarit të komunës për dhënie në shfrytëzim afat shkurtër të pronës komunale më ankand publik për njësitë e caktuara kadastralë t'i kalohet KK-së për shqyrtim dhe miratim.** Në procedurën e votimit nuk mori pjesë Ajshe Metaj.

**Personat përgjegjës për zbatim:** Shërbimi për punë të kuvendit

**Afati për zbatim:** Deri në mbledhjen e kuvendit

### Shqyrtimi i pikës 5.

**Diskutimet:**

**Kryesuesi** – Po vazhdojmë më pikën e pestë të rendit të ditës: Shqyrtimi i Raportit të punës së Ndërmarrjes së Stacionit të Autobusëve. Fjalën ja kaloi drejtorit të Drejtorisë për Shërbime Publike, Mbrojtje dhe Shpëtim.

**Enver Rugova**, përshëndeti të pranishmit. Në vitin 2016 e kemi themeluar këtë ndërmarrje komunale dhe nuk është duke funksionuar si duhet. Borxhi është i shënuar në raport. E kemi bërë një plan për të dalë nga kjo situatë dhe kemi kërkuar një inspektor. Inspektorin e kemi marr dhe nuk jam i kënaqur fare më punën e tij. Pasi drejtori Demë Çeta nuk është këtu nuk dëshiroj të flas për të më shumë. Sa i përket punës së urbanizmit është kryer dhe janë vendosur kubëzat të taksitë. Kemi bashkëpunim me Policinë por nuk po zbatohet rregullorja komunale që është në fuqi, nuk po dënohen as autobusët dhe taksitë. Komuna e Istogut e ka limitin deri në 40 taksi dhe 35 i kemi të regjistruar, munden edhe 5 me apliku. Në kuvend kemi marr një vendim që të subvencionohet kjo ndërmarrje, shumë ja kemi lënë ekzekutivit me caktu. Drejtoria për Shërbime Publike ju ka dalë në ndihmë por jo shumë, kemi biseduar edhe më Kryetarin dhe jemi që t'i ndihmojmë.

**Kryesuesi**, fjalën ja kaloi Zenel Shatrit dhe pastaj Haki Podrimaj.

**Zenel Shatri**, unë e kam lexuar edhe raportin dhe nuk jam i kënaqur me zhvillimin e asaj organizate publike. Realizimi i i këtyre nuk është bërë as 50%. Ne na u është thënë që nëse zgjidhet inspektori do të zgjidhet problemi por gjendja nuk paska ndryshuar. Shuma prej 49 mijë euro nuk është e madhe dhe jam që të subvencionohet, gjithashtu duhet të dimë se çfarë ka punuar inspektori? Unë propozoj që më këtë të merret ekzekutivi dhe jam për subvencionim.

**Haki Podrimaj**, keni kërkuar inspektorin dhe unë pyes drejtorin e tij, a ka ndonjë fletëparaqitje? Njerëzve që punojnë në stacion duhet të ju ndihmohet. Aty ka shumë punëtorë dhe nuk di se çfarë kanë të punojnë aty? Ministria i ka futur edhe 6 vija të reja por me këtë inspektor vështirë. Unë ju lus të merrni masa, e di edhe Enveri. Kemi kërkuar me çdo kusht me marr inspektorin dhe kemi



thëne se problemi është të inspektori. Fatmirësisht e morëm inspektorin dhe ja ka filluar punës, kam pyetje për drejtorin e tij që 6 muaj çka ka punuar? Kemi punuar edhe pa inspektor dhe njëjta gjë ka qenë dhe tani është ngarkua buxheti i komunës më një pagë dhe duke e marr kerrin tu dalë në teren dhe gjendja është e njëjtë. Këtyre njerëzve duhet të ju ndihmohet, stacioni është i joni dhe komuna jonë duhet të këtë stacion. Inspektori që po punon që 6 muaj dhe ende si ka bind të hynë në stacion. Dikush duhet të mirët më këtë çështje. I kam dy propozime, janë shumë punëtor dhe nuk di së çfarë kanë të punojnë. Propozoj që parkingjet të bëhen më pagesë dhe të krijojnë një të hyrë që të mbajnë vetën. Sa për dijeni Ministria i ka qitur edhe 6 vija që do të thotë se do të bëhen vija të reja. Kam vërejtje edhe në menaxherin duhet të beje presion dhe të vijë në komunë të bëjë shkresa. Istogu meriton transport ndryshe.

**Kryesuesi**, fjalën ja kaloi Enver Rugovës.

**Enver Rugova**, ka të drejtë Zeneli dhe Hakiu, inspektori ka të drejtë edhe me zarf me i denu. Unë e kam thirrur në zyre Inspektorin por vetëm premtime jap. Tre muaj arsyetohet për blloka dhe tani nuk ka çka?

**Kryesuesi**, fjalën ja kaloi Eliot Kukiqi.

**Eliot Kukiqi**, përshëndeti të pranishmit dhe sipas këtij raporti për 6 muaj janë inkasuar 7 mijë euro e kjo i bien që edhe me subvencionim nuk rritet suksesi.

**Enver Rugova**, në mandatin e kaluar janë zbrit tarifat. Për këtë arsye me vendim të kuvendit kemi mbet me i subvencionu.

**Kryesuesi**, fjalën ja kaloi Zenel Shatrit.

**Zenel Shatri**, po dua të flas për këtë që e tha Enveri. Ne jemi pajtuar që të zvogëlojmë tarifat por nëse nuk funksionon atëherë mund t'i ngrisim. Dojmë me zgjedhë çështjen e inspektorit, çështja e inspektorit u zgjedh tash tarifat mbaj 3 euro ose 10 euro, ato nuk janë tu u realizua as 50%. Ne duhet ta gjejmë një zgjidhje qysh me i realizu këto te ardhura, qe mundemi me i mar me inspektor. Ju ekzekutivi sjellni një propozim, ne jemi për me ndihmu stacionin e autobusëve. Jemi me pas Istogu stacion të autobusëve jo me lan qysh është haus i madh. Ndalen taksitë gjithkund parkohen autobusët, kështu qe propozimi im është ky: ekzekutivi, drejtori të mendojnë diçka le te na tregojnë çka mundemi me bërë. Ne si komitetet dhe si asamblist jemi për me zgjedh atë çështje edhe jam thjesht për me ju ndihmu sepse deri sa të ngjallen veç me punu duhet inspektori. Nëse nuk punon duhet me ndërru, nuk punon drejtori ndërro edhe atë, asgjë nuk është me tapi, unë e kisha ndërru krejt atë menaxhment aty. Provo një tjetër se po duket u ambientua ashtu edhe me ato firma kështu nuk bon.

**Kryesuesi**, Zenel Shatri propozoi që ekzekutivi të del me propozime konkrete para Kuvendit çka mundet të ndihmon Kuvendi në atë drejtim.

**Vendimet:**

**Pasi që nuk pati vërejtje dhe diskutime tjera, KPF njëzëri rekomandon t'i kalohet KK-së për**



shqyrtim Raporti i punës së Ndërmarrjes së Stacionit të Autobusëve me propozimin e Zenel Shatrit.

Në procedurën e votimit nuk mori pjesë Ajshe Metaj

|                                 |                               |
|---------------------------------|-------------------------------|
| Personat përgjegjës për zbatim: | Shërbimi për punë të kuvendit |
|---------------------------------|-------------------------------|

|                   |                              |
|-------------------|------------------------------|
| Afati për zbatim: | Deri në mbledhjen e kuvendit |
|-------------------|------------------------------|

### Shqyrtimi i pikës 6

#### Diskutimet:

**Kryesuesi** - Po vazhdojmë më pikën e gjashtë të rendit të ditës: Shqyrtimi dhe miratimi i plotësimit të rregullores për ndarjen e bursave. Kjo rregullore ka qenë në diskutim por nuk kemi ndonjë propozim për me gjerësisht ja kaloi fjalën Sami Metajt.

**Sami Metaj**, Zyrtar i lartë i arsimit në kuadër të Drejtorisë për Arsim, përshëndeti të pranishmit dhe bëri prezantimin e Draft-Rregullores për ndarjen e bursave për studentë.

**Kryesuesi**, fjalën e ka kërkuar Lulzim Blakaj.

**Lulzim Blakaj**, kemi kontrata me student të cilët tash i gëzojnë bursat me çmim prej 60 euro, do të thotë këtu në rregullore duhet me bo një premje me thënë se ata të cilët kanë kontrata, vazhdojnë të kenë të njejtën pagesë sipas rregullorës së mëparshme ndërsa prej konkursit të ri vlenë kjo nëse aprovohet.

**Kryesuesi**, fjalën ja kaloi Zenel Shatrit.

**Zenel Shatri**, pershendeti të pranishmit, kam qenë anëtar për ndarjen e bursave para një viti me rregulloren e vjetër, tani e pashë që ka ndërru rregullorja në disa kritere. Edhe studentët e kolegjeve private kanë të drejta. Edhe universitetet publike edhe kolegjet private lincensohen nga Ministria e Arsimit nese ato lincensohen edhe ato kanë drejt me pas bursë. Unë jam që të jenë edhe kolegjet private.

**Agim Ademaj**, këta të kolegjeve private une konsiderojë që kanë një buxhet familjar më të mirë që shkojnë në kolegje.

**Zenel Shatri**, unë nuk pajtona me ty nënkryetar, mendimi im është që na kontribuojmë mbi të drejtat njerëzore, le të konkuron hiqe atë noten mesatare.

**Kryesuesi**, fjalën ja kaloi Haki Podrimajt.

**Haki Podrimaj**, desha vetëm me plotësu doktorin tek kolegjet private, ne e dimë që kur te përfundojnë shkollën e mesme dikun 35 mijë janë. Nëse ka kapacitet universiteti publik me i pranue të gjithë këta studenta mirë, mirëpo gjysa e studentave po mbeshin nëpër shtëpija. Disa i kanë kushtet mirëpo shumica si kanë kushtet dhe duhet me hyrë në obligime.



**Zenel Shatri**, unë po i jap vërejtjet e mija, mos t'i aprovojnjë, vetëm ne po diskutojmë. Propozoj që të mos deskriminohen kolegjet private, e dyta që po thuni kanë para, nëse kanë para nuk i plotësojnë kushtet me hy aty, as nuk e kanë socialin me i marë pikët e socialit etij. Për lartësinë e bursës le të shtohet numri pajtona. Drejtoria për Arsim e shpall konkursin për ndarjen e bursave, konkursi duhet të jetë i shpallur në gazetë ditore, në ueb faqe zyrtare të komunës, në tabelën e shpalljeve, afat ligjor të jetë 30 ditë. Propozoj me hjekë notën mesatare krejt edhe të shkollës së mesme edhe të fakultetit 7.5 edhe 4.5. Po ashtu studentët pa të dy prindërit vlerësohet me 10 pikë ndërsa ata me njërin prind vlerësohen me 5 pikë, une kisha propozu studentët pa dy prindërit prej 10 në 15 pikë ndërsa këtyre që janë me njërin prind le të vlerësohen me 10 pikë.

**Kryesuesi**, fjalën ja kaloi Sami Metajt.

**Sami Metaj**, të çështja e propozimit për heqjen e kolegjeve private nuk është çështje e diskriminimit ndaj askujt, mirëpo ky propozim është marrë duke u bazu në bazë ligjore. E kemi Ligjin 04/L-037 për arsimin e lartë në Republikën e Kosovës neni 16 pika 5, vetëm bartësit publik të arsimit të lartë mundë të ofrojnë programe studimi që qojnë kualifikimin e një mësimdhënësi për tu punësuar në një shkollë.

**Kryesuesi**, a jeni për me shku këto propozime, domethënë rekomandimet e Zenel Shatrit anëtarit të kuvendit, që kolegjet private të futen në këtë rregullore, kush është nga anëtarët e kuvendit që kjo të shkon në rekomandim? Une jam kundër, 4 anëtarë të kuvendit janë që kolegjet private të futën në rregullore për ndarjen e bursave.

Propozimi tjetër, nota mesatare në rregullore parashihet që të jetë 7.5 dhe 4.5, në mënyrë që konkuresi të ketë të drejtën studenët respektivisht nxënësit të konkurojnë, Zeneli me duket edhe me mbështetje të Haki Podrimajt anëtarit të komitetit propozojnë që të hiqet kjo notë mesatare krejtë? Kush është nga anëtarët e komiteti që ky rekomandim të dërgohet në kuvend që të hiqet nota mesatare, 4 janë për, unë jam kundër jam që të qëndrojë nota mesatare.

Ke rekomanduar që në vend të 10 pikëve, të jetë 15 kush nuk i ka dy prind dhe në vend të 5 pikëve të bëhen 10 për ata që e kanë vetëm një prind. Kush është nga anëtarët e komitetit që ky rekomandim t'i përcillet kuvendit si i tillë, në mënyrë unanime ky rekomandim shkon në kuvend. Atëherë me këto rekomandime kush është që t'i rekomandohet kuvendit kjo rregullore për shqyrtim dhe miratim, pajtohem të gjithë unanimit, rregullorja përcillet në kuvend për shqyrtim dhe miratim?

#### **Vendimet:**

Pasi që nuk pati vërejtje dhe diskutime tjera, KPF njëzëri rekomandon t'i kalohet KK-së për shqyrtim dhe miratim plotësim-ndryshimi i rregullores për ndarjen e bursave me propozimet e Zenel Shatrit.

Në procedurën e votimit nuk mori pjesë Ajshe Metaj dhe Besa Ferati.

**Personat përgjegjës për zbatim:** Shërbimi për punë të kuvendit

**Afati për zbatim:** Deri në mbledhjen e kuvendit

#### **Shqyrtimi i pikës7.**

#### **Diskutimet:**

**Kryesuesi** - Po vazhdojmë më pikën e shtatë të rendit të ditës: Shqyrtimi dhe miratimi i projekt-



|                                                                                                                                                                                                                                                |                               |
|------------------------------------------------------------------------------------------------------------------------------------------------------------------------------------------------------------------------------------------------|-------------------------------|
| rregullores për realizimin e të drejtave të fëmijëve përmes sistemit qeverisës komunal miqësor për fëmijët. Fjalën ja kalon Sanije Mavrajt për prezantim të kësaj drat rregulloreje,                                                           |                               |
| Sanie Mavraj, kjo rregullore ka kalu nëpër procedura të nevojshme për me ardhë deri këtu, materialet i keni pas unë nuk e di sa është e nevojshme më tepër me e laboru.                                                                        |                               |
| Kryesuesi, kush është që kjo rregullore t'i përcillet kuvendit për shqyrtim dhe miratim, komiteti në mënyrë unanime përcjellë për shqyrtim dhe miratim kuvendit këtë rregullore.                                                               |                               |
| <b>Vendimet:</b>                                                                                                                                                                                                                               |                               |
| Pasi që nuk pati vërejtje dhe diskutime tjera, KPF njëzëri rekomandon t'i kalohet KK-së për shqyrtim dhe miratim projekt-rregullorja për realizimin e të drejtave të fëmijëve përmes sistemit qeverisës komunal miqësor për fëmijët.           |                               |
| Në procedurën e votimit nuk mori pjesë Ajshe Metaj dhe Besa Ferati.                                                                                                                                                                            |                               |
| Personat përgjegjës për zbatim:                                                                                                                                                                                                                | Shërbimi për punë të kuvendit |
| Afati për zbatim:                                                                                                                                                                                                                              | Deri në mbledhjen e kuvendit  |
| <b>Shqyrtimi i pikës 8.</b>                                                                                                                                                                                                                    |                               |
| <b>Diskutimet:</b>                                                                                                                                                                                                                             |                               |
| Kryesuesi – Po vazhdojmë më pikën e tetë të rendit të ditës: Shqyrtimi dhe miratimi i Propozim – Vendimit të kryetarit të komunës për nismën e bashkëpunimit ndërkomunal në fushën e realizimit të projekteve. Fjalën ja kaloi Lulzim Blakajt. |                               |
| Lulzim Blakaj, Drejtor i Drejtorisë për Zhvillim Ekonomik, është kërkesë prej Ministrisë së Administrimit të Pushtetit Lokal që të përkrahet bashkëpunimi ndërkomunal dhe kjo është vetëm për tu realizu një projekt i përbashkët.             |                               |
| <b>Vendimet:</b>                                                                                                                                                                                                                               |                               |
| Pasi që nuk pati vërejtje dhe diskutime tjera, KPF njëzëri rekomandon t'i kalohet KK-së për shqyrtim dhe miratim Propozim –Vendimi i Kryetarit të Komunës për nismën e bashkëpunimit ndërkomunal në fushën e realizimit të projekteve.         |                               |
| Në procedurën e votimit nuk mori pjesë Ajshe Metaj dhe Besa Ferati.                                                                                                                                                                            |                               |
| Personat përgjegjës për zbatim:                                                                                                                                                                                                                | Shërbimi për punë të kuvendit |
| Afati për zbatim:                                                                                                                                                                                                                              | Deri në mbledhjen e kuvendit  |
| Kryesuesi, pasi që përfunduan pikat për këtë rend dite, falënderoj për pjesëmarrje dhe kontributin e dhënë dhe shpalli të mbyllura punimet për këtë mbledhje.                                                                                  |                               |
| Mbledhja përfundoj :                                                                                                                                                                                                                           | 12:00                         |